

h. 10,34.

X 202 3579

Yd
1866

THRENUS,

In quo
Maximas

INCENDII MARTISBURGENSIS,

die 23. Mensis Augusti subitò exorti, calamitates deplorat, simulque incendia alia, & quæ antiquitùs ab Ernesto Brottuffio Libro 1. & 2. Chronicorum descripta, commemorat, ac suam erga Omnes & singulos cujuscunque Ordinis cum debitâ observantiâ συμπάθειαν declarat

MICHAEL GSELLIUS, Pastor.

Marckranstadiensis, nonita multò antè per duplex quoque incendium subitaneum, in Ædibus tām Parochialibus quām Civilibus propriis, die 3. Mensis Junii denuò, & tertiā nunc quidem vice, ad rei familiaris angustias

redactus,

A N N O

clo. Ic. LXII.

In his Hexametris bis
comprehenso,

HIC qVo RanstetI Magno non absqVe DoLore
Ah faber! ah! ah! ah! VVLCano perDIDI tæDes!

BIBLIOTHECA
PONIGRAVIANA

L I P S I A,
Literis WITTIGAVIANIS.





Roh pereVnt æDes IgnI MaVortIs In Vrbe,
vt LVX AVg Vst I qVinta & bIs-nona refVLget, Anno 1662.
Mensis ab Augusto qui Cæsare nomine dictus ! die 23. Aug.

Ascensu superans celsæ fastigia turris
Heu miseranda meis oculis spectacula cerno !
Obstupui, steteruntque comæ, & vox faucibus hæsit,
Dum verti in cineres tot splendida tecta viderem,
In Castris Visum cum flamma furentibus Austris
Incideret, Procerum pretiosa palatia vastans !

In strue lignorum viridi si contigit istud,
Quæ non sunt potius metuenda pericula rerum
In strue lignorum, Solis quæ torruit æstus ?
Quid tabulis fiet, si contremuere Columnæ ?
Majorum mala sint terrorque tremorque minorum.
Immò sint aliis damni Casusque levamen,
Quos sors oppressit similis durissima fati:
Nam Commune malum cunctis solatia præbet.

TertiVs Ut patVLo sVrgebat IVnIVs orb',
FaX fVnesta fabri pLVres heV perDIDI It æDes,
Quæ nostras exhausit opes hīc funditùs omnes,
Ac ingens facta est rerum jactura mearum,
Nudus ut exierim victu & spoliatus amictu !

Quanquam animus meminisse horret, si talia fando
Commemorem, largo lachrymarumq; imbre madescunt
Ora mihi : tamen hæc ad tot discrimina rerum,
Quæ nunc sustinuit Romana Colonia Martis,
Pulveris instar erunt, & nostri oblivia damni,
Si modò rem justâ componere lance velimus.

Sic non parva brevi damna intulit Urbibus ignis
Tempore, quæ non sunt longos reparanda per annos.
Hoc Altenburgum ; bis idem Neomarchia sensit,
Quæ Clari Martis sunt bina suburbia Castris :

Luc. 23. v. 31.

Augustin9.

Incendium
Marckran-
stadiense A.
1662. die 3.
Junii,

A 2

Sensit

Sensit idem duplice Sedes Sceudicia datano,
Nec non Delitium, cum conderet area messes,
Urbs à delitiis antiquo nomine dicta.
Verum Urbs quantum alias inter caput extulit Urbes
Maria, tantum etiam superant incendia vires,
Quas alibi feras exeruit Vulcanus in aedes.

- A. Christi 933 Barbarus hanc quondam ferro populatur & igni
Brotuff. L. *Hennus*, at *Heinricus Primus* cum strage repressit
I. Chron. C. Saxoniam de gente satus, Fortissimus Heros,
5. fol. mihi Qui post instaurans muris circumdedit Urbem.
12. b. Cap. 15. Si libet Annales Brotuffi evolvere libros,
fol. 30. b. C. Intra lustra decem, centum, & sex insuper annos,
23. fol. 49. Exorta in Martis sunt quinque incendia Castro,
Ab Anno Quæ Monumenta quidem Veterum memoranda putarunt.
1323. usq; ad Pars Urbis major *Gewhardi tempore* flammis
Annū 1479. Idem Libr. 2. Est exusta: ruunt Patrum alto à culmine tecta.
Chronic. C. 54. fol. 99. b. Usque ad Pontificale Sacrum, quod sanxerat olim
Anno 1323. Otto DEO Templum, dat Praeful's ampla ruinam.
Liber. 2. Cap. Vulcano superante domus, furit æstus ad auras.
35. fol. 89. Anno 968. Vix septus-decies & quartus fluxerat annus,
Liber. 2. Cap. Exoritur clamor, replentur & omnia luctu!
2. fol. 55. Explosa in Vico Gotihardi forte fabrilis
Anno 1387. Nam bombarda fuit, cuius glans ignibus acta
die 23 Junii, Plumbea sulphureis horrenda incendia miscet!
pridie Job. Baptiste ante Nundinas Quæ magis atque magis vento sufflante valescunt,
Liber. 2. Cap. Et latè lucent in cunctis undique vicis,
42. fol. 93. b. Atque everterunt totam imis sedibus Urbem.
Sed Cathedrale manet templum, dum proxima rursus
Praeful's ampla domus, templo quæ jungitur, ardet.
Postera venales vult lux extrudere merces,
At prohibent rerum fortunarumque favillæ,
Anno 1007. Et mutant faciem, quæ tune miserabilis, Urbis!
Ut videre Nam Mercatorum tantis plebs territa flammis,
est apud Ac multum perpessa mali, festinat ab Urbe
Brotuff. L. Mavortis revocare gradus, & moenia linquit
2. Cap. 5. Mercatiique solum, multis quod floruit annis,
fol. 64.

Lipscia

Lipsica post aliquod sed tandem ad mœnia tempus
Emporii translata fuit Celeberrima sedes,
A quâ cuncta DÆus longè infortunia vertat,
Et florere sinat postrema ad secula mundi !

Interea tredecim Sol circumvolvitur annos,
Rursus & Antiquæ major pars ignibus Urbis
Eversa est ! Odio veteri succensus & irâ
Jan-Piger, infami verè cognomine dictus,
Qui vigil & custos ad Sixti limina pottæ,
Grande duos propter nummos temerarius audet
Accelerare nefas Civisque incendere tecta
Agreditur, celans atrox sub pectore crimen,
At DÆus, è celso qui desuper omnia cernit,
Et quem non possunt mortales fallere, vindex
Tam scelus horrendum tandem non linquit inultum,
Sed fraudes retegit post actos quattuor annos.
Ipse Vir atque simul diri sibi conscientia facti
Fœmina pro meritis justas dant corpore pœnas,
Dum comburuntur Divi extra mœnia Sixti.

Bis-quater exactis lustris cum quattuor annis,
ECCE saCra LVX Ut bIls-septIMa LVXI In Vrbē,
Exaltata crucis, Domino Lux illa dicata
Tunc erat, heu nova Crux affigit acerba misellos !
Nam Simon sceleratus homo Cognomine Thimo,
Agger ubi structus præceps Molitoris ad undas,
Horrea succedit Gotthardi proxima vico,
Dimidium cuius Gysalæ vastatur ad amnem.
Quis damna illius noctis flammæque furorem
Explicit aut verbis æquare pericula possit ?
Curia Sancta ruit multos laudata per annos,
Omnia cum gestis rebus documenta Senatus,
Proh dolor, in cineres abeunt tetrasque favillas !
Plurima perque vias sternuntur tecta domorum,
Et quæ sunt vicina foro : pars altera circum
Uritur æquaturque solo : sed Solis ad ortum
Altera quæ sita pars mansit servata per ignes.

Anno 1400.
Liber. 2. Cap. 49
fol. 94. b.

Anno 1444.
Liber. 2. Cap. 51
fol. 97. b.
die Exaltatio-
nis Sanctæ
Crucis,

A 3

Haud

Haud impunè tulit deprensus criminis autor
Thimo, luit pœnas & vivus lege crematur.
At *Molitor*, qui svasor erat, *Thimonis amicus*
Tunditur ecce rotâ, radiisque inflexus, in auris
Esca fit ex rapto rostris viventibus uncis !

Anno 1479.

Libr. 1. Cap. 54

fol. 99.

Ex quo triginta Sol quinque peregerat annos,

Lampertiq, diem paulò portaverat antè,

Æquante spatiū lucis cum tempore noctis,

Huburgus, scelere ante alios immanior omnes,

Horrea clam Patris, quamvis sit Consule natus,

Impius haud metuit subjectis urere flammis,

Ac facinus, quantum potuit, celare parabat.

Ilicit ignis edax summa ad fastigia vento

Volvitur: exuperant flammæ: jam proximus ardet

Gotthardus: plateæ fumant ac strata viarum,

Per quæ ducuntur manibus post terga revinctis

Damnati capitis, nec non ubi vixit *Equestris*

Strenuus *Ordo Virum*, qui prælia Martis inibant:

Haud minùs & quæ dicit adhuc via Martis ad Arcem,

Fossa referta oleo, ac nonnulla vicaria tecta,

Extra altos *Castri*, i fuerant quæ diffita muros.

Bis-quater elapsis Genitor tunc Ipse diebus

Horrea in alterius Civis quoque subjicit ignem,

Multa malus simulans, sed spe delusus inani.

Nam dum vult alio factum occultare nefandum,

Atque suis latebras & Nati quærere technis,

Ecce DEus coecum Vindex scelus omne revelat,

Ut meritas uno persolvant tempore pœnas

Filius atque Parens, ob dicta incendia quorum

Corpora sunt alto combusta in Culmine Claustrī !

Diruta tunc eadem sanè *Via regia Castri*

Jam conflagravit, verùm discrimine magno.

Tunc parvis steterant habitata mapalia tectis :

Jam verò Procerum periète Palatia, sumptu

Splendida, quæ fuerant saxis constructa quadratis,

Et pretio quæ marmoreis æquanda lapillis !

Magna

Magna fuit rerum quondam jactura : sed ehen
Uni jam multò Procerum majora dederunt
Damna, Viris dederant flammæ quam pluribus olim !
Heu Cives, Cives ! heu Lumina Clara Lycéi,
Pubis & Illustris morum Formator in Arce !
Heu Soceri *pergens* ædes implere querelis !
Ordinis heu Veneranda Sacri, jam Mysta tot annos,
Canities ! Eheu Secreta Volumina rerum
Qui custoditis, queis Codicis omnis in anno
Accepti expensiisque gravis concredita cura !
Heu Magni Proceres, quos fors adversa fatigat,
Consiliis quorum Celsi stat principis Aula,
Totiusque salus Regionis, & Urbis & Agri !
Nemo hīc excipitur, sævus quem perdidit ignis !
Quo res vestra loco ? quā nunc habitatis in Urbe ?
Heu pretiosa jacent consumpta palatia flammis !
O Caput Excellens, quid Te tot sumptibus aucta
Bibliotheca juvat, qualem Germania tota
Vix habet Ipsa parem, non instauranda per æris
Ingentes cumulos ? O Lamentabile fatum !
Quid Tibi nunc animi, Patriæ Pater, Optime Princeps,
Tot loca vasta videns, ac tot lamenta Tuorum
Percipiens ? imo suspiria pectore ducis !
O DEus ! hic pietatis honos ? hæc meta laborum ?
Tot casūs Urbis, tanta & discrimina rerum,
Exustasque domos, rapuit quas improbus ignis,
Deplorate Sacri mecum nunc Ordinis Omnes !
Flectite Supremi precibus Sacra Numinia Patris !
Ah tantas reparare DEus dignare ruinas,
Atque averte iram, quam nos meruisse fatemur !
Omne malum depelle procul *Mavortis ab Urbe* !
Omne malum depelle procul *Mavortis ab Agris* !
Omne malum longè depelle à *Principis oris* !
Ah nostri miserere DEus, vultuque benigno

Re-

Yd. 1866
AA

Respice nos ! dupli, quæ sunt bona perdita flammis,
Fœnore redde Pater, sed tandem habitacula cœli,
In quibus est mansura domus, peritura nec igni !
Interea Verbi tristes solamine mentes
Erige, sustineant ut forti pectore molem,
Dum cunctis iterum surgat post nubila Phœbus.

Ad Reverendum Dn. Auctorem.

QVAM velle nulos, GSELLI, te scribere threnos,
Abnuere & precibus me potuisse tuis !
Stares salva tuis tectis, urbs MARTIA, versu
Nec velles nostro flebiliore cani.
Nunc quoniam miseram pietas est flere, dolenti
Aggemo, & huic threno threnum etiam addo meum.
Sis Romæ similis, flammisque his pulchrior olim
Surgas, ut rediit MARTIA prisca suis.

FRID. RAPPOLT, POES. PROF. PUBL.
in Academia Lipsiensi.

F I N I S.



1677

M.E.

h. 10,34.

X 20235

THRENUS In quo Maximas INCEN MARTISBURGE

die 23. Mensis Augusti subitò exorti,
plorat, simulque incendia alia, & quod
Ernesto Brottuffio Libro 1. & 2. Chronicis
commemorat, ac suam erga Omnes & singulo
dinis cum debitâ observantiâ συμπ̄
clarat.

MICHAEL GSCELLIUS

Marckranstadiensis, non ita multò a
quoque incendium subitaneum, in Ædib
ibus quam Civilibus propriis, die 3. Mensis Jun
nunc quidem vice, ad rei familiaris
redactus,

A N N O

CL. CL. LXII.

In his Hexametris bis
comprehensio,

HIC qVo RanstetI Magno non absqV
Ah faber! ah! ah! ah! VVL Cano perD

L I P S I A,
Literis WITTIGAVIAN

